

**1243-1243- OFP - Acta Capitulum Generalium Bononie Celebrati**

In nomine patris et filii et spiritus sancti. Amen.

Acta capituli generalis Bononie celebrati  
anno Domini · M° · CC° · XLIII° ·

Confirmamus has constitutiones. Ubi dicitur in constitutionibus. quod si diffinitor venire non possit ad capitulum generale. ipso iure. socius eius. loco ipsius diffinitor habeatur. addatur. quod si alterum ipsorum. supradicto modo contigerit impediri; primus conventus ad quem declinaverit. teneatur ei de competenti socio itineris providere. Et hec habet · iii · capitula.

Item hanc. Ubi dicitur. quod fratres itinerantes litteras testimoniales ferant. et in conventibus ad quos declinaverint. ibidem de suis excessibus corrigantur. addatur. in quacumque autem provincia. fratres itinerantes deliquerint. prior provincialis. vel conventualis. in cuius terminis inventi fuerint. ipsos sicut fratres suos corrigendi liberam habeant potestatem. Et hec habet · iii · capitula.

Item hanc. Ubi dicitur. quod · iiiior · fratres eligantur ad visitandum provinciam. addatur. vel plures. secundum quod provinciali capitulo videbitur expedire. Et hec habet · iii · capitula.

Item hanc. Ubi dicitur de silencio mense. et ipse taceat. addatur. nullus autem aliorum ibidem loquatur. nisi tantum necessaria mense petendo. et hoc per unicam dictionem. Et hec habet · iii · capitula.

Item. Approbamus hanc. Ubi dicitur. quod ipsum ab officio magistratus perpetuo impediret. addatur. perpetuum autem dicimus; quod diffinitores de prudentium concilio. perpetuum iudicabunt. Et hec habent · ii · capitula. Cetera revocamus.

Inchoamus has constitutiones. Ubi dicitur. pena autem pro fractione silentii hec est. etc. radatur totum illud. usque ad sequentem rubricam. et dicatur. fratres de silencio in capitulo se accusent. sicut de aliis culpis. et priorum arbitrio puniantur.

Item hanc. Quicumque falso scienter infamaverit de mortali. vel in capitulo proclamaverit. non absolvatur in privato; nisi prius in capitulo se accuset.

Item hanc. Ubi dicitur de apostatis. numquam priorem locum tenebit. sed inferiorem secundum quod prelado visum fuerit. removeatur hoc. secundum quod prelado visum fuerit. et ponatur. et ad priorem locum non redeat. nisi per provinciale capitulum. cum eo fuerit dispensatum. Ita tamen quod anni quibus fuerit in apostasia. non computentur ei quo ad locum. sed sit sub omnibus illis. qui habent plures annos in ordine. quam ipse habuit. cum exivit.

Item hanc. Si priorem provinciam aliquo modo impediri contingat. quod ire non possit ad capitulum generale. quando capitulum est priorum provincialium. socius sibi datus a diffinitoribus provincialis capituli. admittatur ad omnia cum prioribus provincialibus. sicut admittitur socius diffinitoris capituli generalis.

Item hanc. Ubi dicitur in constitutionibus. quod si alterius religionis inventus fuerit. non recipiatur in ordine nostro. nisi per provinciale capitulum cum eo fuerit dispensatum. totum istud removeatur.

Item hanc. Quod fratres non audiant confessiones preter quam fratrum citra · xxx · annos.

Hee sunt admoniciones.

Admonemus priores provinciales. et capitula provincialia. quod provideant in suis provinciis. ut domus debitis non graventur.

Item. Quod deposita fideliter custodiantur. et nichil de ipsis accipiatur sine licencia deponentis.

Item. Monemus lectores. quod novas opiniones non inveniant. sed communiores et magis approbatas sequantur<sup>1</sup>.

Item. Monemus quod fratres nostri studiosius se exerceant in hiis que sunt contra hereticos et ad fidei defensionem.

Item. Monemus priores. ne in scandalum ordinis nostri. fugitivos et apostatas nostros in aliis religionibus stare. vel alibi vagari permittant. sed utantur contra eos privilegiis ordini nostro concessis.

Item. In domibus nostris ubique priores. confessores certos. maturos et discretos instituant.

Item. Fratres de una provincia infra terminos alterius provincie. non faciant questum. nisi de licencia prioris provincialis. vel conventualis. in cuius terminis questum facere debuerant. nec eciam mittantur ad faciendum moram. in predicacione in terminis alterius. nisi de consimili licencia.

Item. Non sint in domibus nostris. canes tales; qui sint in periculum personarum. et si qui tales sint; amoveantur. Item. Conversi petentes panem. vadant simul. ita quod possint invicem se videre. Item. Supplices non dentur socii prioribus suis ad capitulum generale vel provinciale. Item. Nullus frater

---

<sup>1</sup> Haec monitio sine dubio cohaeret cum statuto facto in praecedenti capitulo de erroribus condemnatis per magistros Parisienses. cf. supra p. 27. – MOPH 1 p. 208 c. XIX § IV.

deponat libros. vel alias res. apud extraneos. sed apud fratres tantum. Item. Nullus recipiatur in dormitoriis fratrum. exceptis fratribus minoribus. ad iacendum.

Item. Volumus et mandamus. ut diffinitores proximo sequentis capituli generalis. pro concordando officio. portent secum ad dictum capitulum omnes rubricas et notulas breviarii nocturni et diurni. et gradualis et missalis.

Concedimus · iii · domos provinciae Lombardie. Theutonie · ii · Dacie · i ·

Proximo sequens capitulum generale. in provincia Theutonie. in civitate Colonia decrevimus celebrandum.

Diffinitores capituli provincialis Provincie. ieiunent · v · diebus in pane et aqua quilibet. et prior provincialis · vi · et dicat quilibet duo psalteria. quia removerunt fratres. de domibus Pirpiniani. et Nicie. ei mandamus quod fratres sine more dispendio reponantur.

Item priores provinciales vel eorum vicarii qui absolverunt visitatores ab officio visitacionis. ieiunent · v · dies in pane et aqua.

Pro domino papa. quilibet sacerdos · iii · missas de domina nostra. clericus psalterium. conversi · d · pater noster.

Pro fratribus nostris et fratribus minoribus etc.

Actis additae sunt litterae magistri ordinis; cf. app. n.I.